



World of Greenland
Fredericiaip Aqq. 4, BOX 109
3952 Ilulissat

Elektroniskiusumik sanatitsisup siunnersortaanut nassiunneqartoq, uunga
martinm@airgreenland.gl

Suliassaq ” Glacier Lodge Eqi-p allineqarnissaa” pillugu ASN-imut nalunaarutip aalajangiiffigineqarnera

Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfiup (matuma kingorna ’Naalakkersuisoqarfik’) 28. oktobari 2022-mi World of Greenlandimit (matuma kingorna ’sanatitsisoq’) Glacier Lodge Eqi-p allineqarnissaa pillugu ASN-imut nalunaarut iluarsisaaq inaarutaasorlu tiguaa, tak. ASN-imut nalunaarummi¹ § 5, imm. 3.

Allakkap ullua: 16-12-2022
Suliap normua: 2020 - 8533
Allagaatip ilisarnaataa:
21997963

Postboks 1614
3900 Nuuk
Oqarasuaat (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl

Aalajangiineq

ASN-imut nalunaarut 6. septembari 2022-meersoq, sanatitsisumit nassiunneqartoq, tamatumalu kingorna ASN-imut nalunaarut iluarsaataq inaarutaasorlu 28. oktobari 2022-meersoq tunngavigalugit Naalakkersuisoqarfik aalajangiivoq, alliliinermi avatangiisinut sunniutissat tamarmiusut, sanaartukkamit pioreersumit sunniutissat annertusissutissaannik ilaqartillugit, ASN-imut nalunaarummi § 8 naapertorlugu ASN-imut akuersissummik qinnuteqarnissamut piumasaqaateqarnissamik kinguneqassanngitsut. Tassalu suliassaq ASN-imut nalunaarusiornissamut pisussaaffiliinngilaq. Aalajangiinermut ASN-imut nalunaarummi § 5, imm. 5 tunngavigineqarpoq.

Tunngaviusoq aamma aalajangiinermut tunngavilersuut

Glacier Lodge Eqi-mi ullumikkut illuaqqat qisuit, tamarmik immikkut 30 m²-it missaannik annertussusillit, toqqit ataavartussat arfinillit, sulisunut inissiat marluk, neriniartarfiup illutaa ataaseq, imermik innaallagissamillu pilersuivik ataaseq kiisalu pisuinnaat aqquaat qisuusut pigineqarput.

Alliliinermi illuaqqat qisuit qulingiluat nutaat (pioreersunut assingusut), illuaqqat minnerit arfinillit, tamarmik immikkut 20 m²-inik annertussusillit, sulisunut inissiat ilassutissaat ataaseq, neriniartarfiup allissutissaa, qui minnerusoq ataaseq, pisuinnaat aqquaat qisuusut nutaat, containeri generatoreqarfik qisummik qalligaq ataaseq, krani angallammiit usinut kivitsissutissaaq ataaseq

¹ Atortut ilaasa avatangiisinut sunniutaannik nalilersuineq aamma avatangiisinik nakkutilliinermut akiliutit pillugit Namminersorlutik Oqartussat nalunaarutaat nr. 5, 27. marts 2013-meersoq

sanaartorneqassapput, kiisalu nukissiutinik nutarterisoqassaaq, seqernup qinngornerinik innaallagissiuutit, batteriit il.il. suliarineqassallutik.

Alliliinermi nunaminertaq qajannaallisagaq tamarmiusoq 1200 m²-inik annertussuseqalissaaq, nunaminertamut 10 ha-t missaannik annertussusilimmut agguagaalluni. Alliliinermi inuit 47-uusinnaaneriniit (sulisut ilanngullugit) inuit unnuisinnaasut katillugit 70-inut (sulisut ilanngullugit) amerlineqassapput. Alliliinermi sumiiffimmi sammisassat, tassalu lodge-t illutaanniissinnaanerit aamma qanitami pisuttuarsinnaanerit allannguuteqassanngillat. Sanaartornerup nalaani illut nutaat sananeqarnerinut atatillugu nipiliorneq annikitsumik sunniuteqassaaq. Isaterinerniit nipiliornermik sunniuteqartoqassanngilaq, alliliinermi sanaartukkanik pioreersunik isaterisoqassanngimmat. Sanaartornerup nalaani annikitsumik nipiliornerata saniatigut, alliliineq imminermini avatangiisinut annertuumik sunniuteqassasoq naatsorsuutigineqanngilaq. Sanaartukkanit pioreersunit sunniutit annertusinerinut ilagitillugu Glacier Lodge Eqi-mit allisamiit avatangiisinut sunniutissat tamarmiusut aamma annertusussatut naliliiffigineqanngillat.

Tassalu ASN-imut nalunaarummi paasissutissat tunngavigalugit Naalackersuisoqarfimmiit naliliisoqarpoq, suliassaq immami avatangiisinut, nunap immikkoortuani avatangiisinut, pinngortitami pissutsinut, mernguersarnermi atugassarititaasunut avatangiisinilu atugassarititaasuni immikkoortunut ataatsimoortunulluunniit allanut *annertuumik* sunniuteqassanngitsoq. Taamaattumik avatangiisinut maleruagassat tamarmiusut² avatangiisini pissutsinut, suliassap attuumassuteqarfigisaannut maleruagassiuussinissamut naammattutut Naalackersuisoqarfimmit isigineqarput.

Tamanna tunngavigalugu sanatitsisoq ASN-imut akuersissummik qinnuteqassanngilaq.

Ilanngussaq 2 malillugu suliassat ataatsimut

Illoqarfiit feeriararfii, akunnittarfii, illoqarfiit avataanni vandrehjemmit sanaartukkallu taakkununga atasut ASN-imut nalunaarummut ilanngussaq 2-mi immikkoortoq 5b-mi allattorsimapput.

Sanaartukkat nutaat, kiisalu sanaartukkanik pioreersunik ASN-imut nalunaarummut ilanngussaq 2-mi allassimasunik alliliinerit allannguinerilluunniit suliarineqartinnagit, ASN-imut nalunaarummi § 5, imm. 3 naapertorlugu sanatitsisoq allakkatigut nalunaarummik Naalackersuisoqarfimmut tunniussisussaavoq.

Suliassap avatangiisinut sunniutigisinnaasai eqqortumik naliliiffiginiarlugit nalunaarut paasissutissanik, ASN-imut nalunaarummi § 5, imm. 4-mi allassimasunik imaqassaaq. Suliame aalajangersimasumi matumani

² Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq, kiisalu nalunaarutit taanna tunngavigalugu suliarineqartut naapertorlugit.

Naalackersuisoq naliliivoq, nalunaarut iluarsisaq, 28. oktobari 2022-meersoq § 5, imm. 4 naapertorlugu piumasaqaammik naammassinniffusoq.

Tunngaviusumik suliassaq, ASN-imut nalunaarummut ilanngussaq 2-mi allassimasoq taamaallaat ASN-iliortussaaffiussaaq, inissisimaffimmit aalajangersimasumiit avatangiisinut sunniutissat annertusisinnaappata, imaluunniit mianersornissamik tunngaveqarluni suliassami avatangiisinut sunniutaasinnaasut annertuumik nalornissuteqarfiuppata.

Suliassamik ilanngussaq 2-mi allassimasumik taamatut naliliinermi avatangiisinut sunniutissatut naatsorsuutigineqartuni ataasiakkaani paasissutissat, suliassanut ataasiakkaanut ASN-imut nalunaarummi allassimasut avatangiisit aalajangersimasut misissuiffigineqarneri tunngavigineqartarput.

Pinngortitamut sunniutissanik naliliineq

Naalackersuisoqarfiup ASN-imut nalunaarummi naliliinermi atillugu suliassaq Pinngortitaik innarlitsaaliuinermit inatsimmi³ § 41 naapertorlugu pinngortitamut sunniutissanik naliliinissamut maleruagassanut ilaatinneqarnerisooq misissuiffigaa. Naalackersuisoqarfik aalajangiivoq, suliassaq pinngortitami sunniutissanik naliliinissamut piumasaqaammik atuinissamut tunngaviliinngitsoq.

Imermut errortuutikumut akuersissut

Imermik errortuutikumik kuutsitsisoqartassappat, sanaartukkat atorneqalinninnerini imermik errortuutikumik kuutsitsinissamut akuersissuteqartoqarnissaa pisariaqarpoq, tak. Imeq errortuutikoq pillugu nalunaarummi⁴ § 14.

Akuersissutit akuersissuteqartarnerillu allat

Sanatitsisup sukulluunniit akuersissutinik immikkullu ittumik akuersissutinik pisariaqartunik, aamma akuersissutaasinnaasunik immikkullu ittumik akuersissutaasinnaasunik aalajangiinermi matumani allassimanngitsunik pissarsiniarnissaaq akisussaaffigaa.

Maalaaruteqarnissamut ilitsersuut

Aalajangiineq manna Avatangiisinik innarlitsaaliuinermit inatsimmi § 60 naapertorlugu Avatangiisinik Innarlitsaaliuineq pillugu Maalaaruteqartarfimmut, Naalackersuisunit pilersinneqarsimasumut maalaarutigineqarsinnaavoq.

Piffissaq maalaaruteqarfiusussaq aalajangiinerup Avatangiisinik innarlitsaaliuinermit inatsimmi § 60 naapertorlugu nalunaarutigineqarneraniit naatsorsorlugu sapaatit akunnerinik arfinilinnik sivilissuseqarpoq.

Maalaarutaasinnaasut uunga nassiunneqassapput:

³ Pinngortitamik illersuineq pillugu Inatsisartut inatsisaat nr. 29, 18. december 2003-meersoq

⁴ Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersoq

Namminersorlutik Oqartussat
Nunalerinermut, Imminut Pilersornermut, Nukissiutinut Avatangiisinullu
Naalakkersuisoqarfik
Postboks 1614
3900 Nuuk

Tamatuma kingorna maalaarut, najoqqutassanik, suliap naliliiffiginissaanut
ilaatinneqartunik ilaqartillugu Avatangiisinik Innarlitsaaliuineq pillugu
Maalaaruteqartarfimmut nassiuqqassaaq. Tamatuma peqatigisaanik suliami
akuusut suliami maalaarummik tigusaqartoqarsimanera pillugu
ilisimatinneqassapput.

Inussiarnersumik inuulluaqqusillunga



Natuk Lund Olsen
Naalakkersuisoqarfimmi pisortaaneq